

Maghunahuna nga Positibo Sumala sa Pulong

Kon ugaling gibanhaw man kamo uban kang Cristo, nan, pangitaa ninyo ang mga butang nga anaa sa itaas diin anaa si Cristo nagalingkod sa too sa Dios. Itumong ang inyong mga hunahuna diha sa mga butang nga anaa sa itaas ug dili sa mga butang dinhi sa yuta. Kay kamo nangamatay na, ug diha sa Dios ang inyong kinabuhi natago uban kang Cristo.

(Colosas 3:1-3)

Hinumdomi si Jesu-Cristo sa imong hunahuna

(II Tim. 2:8)

"Sa katapusan, mga igsoon, bisan unsang butang tinuod, bisan unsang butang dungganan, bisan unsang butang matarung, bisan unsang butang ulay, bisan unsang butang hiligugmaon, bisan unsay butang maayong pamation, kon aduna may kahalangdon, kon aduna may pagkadalaygon, palandunga ninyo kining mga butanga."

(Filipos 4:8.)

Karon, usa kini ka katingalahang butang nga kini gihunahuna ug maayo sa katawhan; sila moingon, "Buyno, ako mahuyang; dili dako kaayo ang akong pagtoo; ako dili maayo kaayo nga Cristohanon." Mao gayud kana ang buot sa yawa nga imong isulti. Sa ingon niana ikaw nagasulti gayud sa iyang pinulongan. Nakita ninyo? **Dili gayud nimo isulti kana. Ayaw gayud tugoti ang imong pagpamatuod nga mahimong negatibo; himoa kini nga positibo sa tanang panahon.** Ako naluwas. Ang Dios ania sa akong kasingkasing. Mitoo ako Kaniya sa tibook kong kasingkasing." Motoo ka ba sa Diosnong kaayohan? "Sa tibook kong kasingkasing."

Himoa ang imong pagpamatuod ug imong mga hunahuna sa kanunay, tanang butang... **Ayaw gayud tugoti ang negatibong hunahuna moabut sa imong hunahuna kung imong mapugngan kini.** Kung kini magsugod ayawg tagda kini. Buyno ikaw moingon, "Dili ako makapugong sa mga hunahuna nga moabut." Buyno, sama kana sa mag-uuma nga miingon nga dili siya makapugong sa mga langgam nga molupad sa iyang dapit, apan siya seguro nga makapugong kanila sa pagbatog." Busa mao kana ang maayong butang. Nakita ninyo? Dili ka makapugong sa mga hunahuna sa dihang sila moabut, apan ayawg tagda sila; ipalabay lamang kini. "Dili, sir. **Si Jesu-Cristo ang akong Manluluwas; ang tanang butang akoa pinaagi sa Dios (I Cor. 3:23).** Ug akong atimanon sila. Akong ipamatuod sila."

Ug ang Dios magapanalangin lamang kanimo samtang ikaw magasugid **nga Siya nagabuhat niini alang kanimo.** Nakita ninyo, Siya ang Labawng Sacerdote sa atong pagsugid (*Hebreohanon 4:14-16*). **Siya makabuhat lamang alang kanato kon kita modawat niini, ug motoo niini, ug mosugid niini.** ^[1]

Akong nakita ang katawhan moanha sa entablado. Ako moingon, "Motoo ka ba?" – "Oh, ako nakabaton sa tanang pagtoo. Brother Branham."

Karon, dili ko buot magpakaminos kanila. Nagrespeto ako niana. Apan sila angayng maania sa ibabaw dinhi, ug dinhi sila halayo gikan dinhi. Apan nahibalo ba kamo kung unsa kini? **Mao kini ang paglaum inay sa pagtoo.** Ang pagtoo mao ang nagabuhat karon dayon. Ang paglaum nagalaum alang niini, apan ang pagtoo mao ang produkto (*Heb. 11:1-3*). **Ang pagtoo sa tinuoray ang nagabuhat niini.** Nakita ninyo, kita adunay

daghang paglaum, apan dili igong pagtoo. Tungod niana buot kita nga mobalhin gikan sa paglaum karong panahona **ngadto sa positibo nga pagtoo. Ug adunay usa lamang nga paagi nga kita makakuha ug positibo nga pagtoo: pinaagi sa positibo nga paghunahuna sa positibo nga mga butang.** [2]

Ug karong panahona, sa dihang kita motoo sa Dios sa tibook natong kasingkasing ug modawat sa Iyang Anak, ang Ginoong Jesus, **ug ang Dios nagaila nianang pagtoo nga tinuod diha Kaniya, unya Iyang ipadala ang Espiritu Santo sa saad ug timrihan kita** hangtud sa adlaw sa atong pagtubos. Tan-awa. **Nagakuha kana sa tanang kahadlok gikan sa tanan niini. Walay negatibo nga mga hunahuna gayud diha sa Cristiyanismo. Tanang butang miagi na. Nahuman na kini.**

Ang kaayohan mao ang dili mabuhat sa tawo. Mao kini kung unsa ang nabuhat sa Dios. Nakita ninyo? Mao kini ang nahuman na nga buhat (*Juan 19:30*). Ang kaluwasan dili buhat sa tawo, dili buhat sa Iglesia. **Usa kini ka nahuman na nga buhat, ug ang imong pagtoo nianang nahuman na nga buhat** nga si Cristo nagtapos sa tanang butang nga nadala sa pagkahulog, si Cristo nagtubos niini balik sa Iyang pagtabon sa sala nga kamatayon, paghalili nga pag-antus didto sa krus sa Kalbaryo. Ug Siya gibutang sa lubnganan, ug ang Dios nagbanhaw Kaniya sa ikatulo nga adlaw alang sa atong pagkamatarung.

Ug karon atong makita Siya nga nagalingkod sa toong kamot sa Dios, naghimo ug mga pagpangamuyo pinasikad sa atong pagpahayag, kon ang mao ra nga pulong gihubad nga “pagsugid”. Ug bisan unsa ka daghan ang atong imong pag-ampo, unsa ka dugay ikaw mohilak, unsa ka daku ang imong pag-antus, unsa ka daghan ang imong gibuhat, dili gayud kini madawat. **Ang Dios dili mobuhat kanimo hangtud sa nahauna pinaagi sa pagtoo ikaw midawat niini, ug mitoo niini, ug mosugid niini.** Mao lamang kana ang paagi nga ang Dios makalihok karon sa dihang ikaw milihok pag-una, **tungod kay Siya ang Labawng Sacerdote nga naghimo ug mga pagpangamuyo pinaagi sa pagsugid sa imong pagtoo diha sa Iyang nahuman na nga buhat.** Dili ako motoo nga adunay makakaplag ug sayup diha niana. Nakita ninyo? Mao kana ang basihan sa Diosnong kaayohan. [3]

Sa dihang ikaw maghunahuna mahitungod sa Diosnong kaayohan, hunahuna ang mahitungod kang Cristo... **Ibutang Siya sa imong hunahuna.** “Kung adunay bisan unsang pagdayeg, kung adunay bisan unsang kaligdong.” Ang Biblia miingon, **“hunahuna kining mga butanga.”** (*Filipos 4:8*).

Kung bisan unsang hunahuna moabut, “Buyno, tingali dili kini mao. Tingali...” Wagtanga dayon gikan sa imong hunahuna. **Paghunahuna sa mga butang nga positibo. Ayaw gayud tugoti ang negatibo nga butang nga moagi.** Ayawg tugoti kini sa paghapit, bisan unsa pa man, kung kini magsugod. **Ipabilin ang imong mga hunahuna nga positibo: kang Jesus.**

Ayawg paghunahuna, nga nagalingkod diha sa wheelchair, ikaw, nga ikaw walay paglaum, walay mahimo. Ikaw dili. **Ayawg tugoti kanang negatibo nga hunahuna nga mohapit gayud. Ayawg tugoti kini nga mohunong.** Dili ka makapugong niini sa pag-agi niini sa imong hunahuna (Tinuod kana.), apan ayawg tugoti kini nga mohonong. [4]

Ako nagtoo nga mao kana ang dakung mga kagubot sa katawhan niining panahona. **Kita adunay daghan kaayong mga laing butang sa atong hunahuna** (*II Cor: 11:1-3*). Bisan sa dihang kita moadto sa serbisyo sa pag-ayo, kita daw maghunahuna, “Buyno, ako wala makakuha ug kard sa pag-ampo karong gabii.” Kon tingali, “Ako dili pagaampoan.” Dili gayud kita makalampos samtang kita magapabilin nianang matang sa mga paghunahuna.

Kinahanglan kita positibo diha sa atong paghunahuna. [5]

Nakadungog kamo ug daghan kaayo mahitungod sa positibo nga paghunahuna: inyo lamang ibutang sa inyong hunahuna sa bisan unsang butang, ug paghunahuna ug positibo diha niini. **Ang Yawa makahimo**

sa pagbuhat niana. Adunay usa lamang ka butang mopatigbabaw sa tanan, ug mao kana ang Pulong sa Dios. Kung ikaw naghunahuna sukwahi ngadto sa Pulong; kalimti ang imong hunahuna. Hunahunaa ang Pulong! [6]

Buyno, mao kana ang paagi sa pagbuhat sa yawa. Siya magadala kanato ngadto sa tanang butang, ug ipakita kini nga matahum, ug mosulod ug mouyon sa halos tibook Pulong sa Dios; apan dili siya modawat sa **tanang Pulong sa Dios**. Mao kana ang kinahanglan buhaton nato. Siya moingon, “Ako motoo nga adunay usa ka butang nga bag-ong pagkatawo. Apan ang akong gitooan niini, mao ang pag-usab sa hunahuna.”

Apan dili kini pag-usab sa hunahuna; mao kini ang bag-ong pagkatawo. Ang iglesia wala nagkinahanglan sa pag-usab sa nawong, nagkinahanglan kini ug pagkabig. Nagkinahanglan kini nga mahimong bag-ong binuhat (*II Cor. 5:17*). [7]

Karon, sa dihang kining Espiritu Santo, nagrepresenta ingon nga agila nga nagalupad ibabaw sa yuta, ug nakakaplag ug magtotoo... “Walay tawo nga makaanhi Kanako. Walay tawo nga makaanhi Kanako ingon nga buot niya. Ang tanan nga gikahatag Kanako sa Amahan moanhi Kanako, apan walay tawo nga makaanhi pinaagi sa iyang kaugalingon.” **Dili kini imong kaugalingong hunahuna, imong kaugalingong pagkabig. Mao kini ang pagkabig sa Dios** (*San Juan 6:39, 44*). Nakita ninyo, nakita ninyo? “Ang tanan nga gikahatag Kanako sa Amahan moanhi Kanako.”

Karon, ang Espiritu Santo ania dinhi sa yuta, nagapangita niadtong gitagana sa Dios ngadto sa Kinabuhi niining kapanahonan (*Mga Buhat 13:48*). Ug sa dihang Kini makakaplag Niini, magabuhat Kini sama sa gibuhat Niini kang Jesu-Cristo, ang dakung labaw nga Anak sa Dios. Siya kinsa nagaluwas kanatong tanan. Kini mikanaug ug mikuha sa Iyang dapit ug mipuyo sa tawhanong kinabuhi. [8]

Sa tanang butang, pag-ampo. Adunay mianhi sa miaging adlaw ug miingon, “Brother Branham, nagtoo ba ikaw nga usa ka sayup ang pagbuhat sa usa ka butang?”

Ako miingon, “Unsa ang buot nimong ipangutana?” Nakita ninyo? Kung adunay pangutana diha sa inyong hunahuna, pasagdi kini. Ayawg buhata gayud kini. pagpabilin lamang niana. Sa dihang ikaw magsugod sa pagbuhat ug bisan unsang butang, ug kung ang pangutana husto ba kon sayup, pagpahilayo gikan niini. Ayawg pag-adto ngadto niini gayud. Unya ikaw mahibalo nga ikaw husto.

Karon, tanang butang angayng palandongon sa pag-ampo pag-una. “Unaha pagpangita ang Gingharian sa Dios ug ang Iyang pagkamatarung ug kining tanang butang igadugang ra” (*Mateo 6:33*). Ako seguridad nga positibo nga kung ang mga lalake ug mga babaye makahimo lamang makaadto sa dapit nga diin ang ilang kalag, ilang paghunahuna, ilang linihokan mahimong hingpit diha sa panan-aw sa Dios, mao kana ang usa sa pinaka gamhanan nga mga simbahan nga milungtad gayud. [9]

Ug nahibalo kamo, **kasagaran kini sa dihang kita nagahunahuna mahitungod sa Dios ug nagtumong sa atong mga hunahuna ngadto sa Dios, nga ang Dios moduol haduol kanato.** [5]

“Dumuol kamo Kanako, ug Ako moduol kaninyo,” miingon miingon ang Ginoo (*Santiago 4:8*). Kung atong mapahilayo ang atong mga hunahuna sa mga butang sa kalibutan, ug sa mga kabuang gayud nga kita walay kalabutan sa paghunahuna, “Himoa ang pagpamalandong sa akong kasingkasing mahimong Imong kahimuta-an, O Ginoo” (*Salmo 19:14*).

Sa nahaunang Dominggo sa Pagkabanhaw sa dihang ang duha ka apostoles, si Cleopas ug ang iyang higala, anaa diha sa dalan paingon sa Emmaus. **Samtang sila naghigut mahitungod Kaniya**, nga Siya migula gikan sa sapinit ug nagsugod sa pakig-istorya kanila... Ug unya nagpaila sa Iyang kaugalingon ngadto kanila pinaagi sa pagbuhat ug milagro, sama sa Iyang paghimo sa wala pa Siya gilansang sa krus. Ug sila midali pagdalagan pagbalik ug miingon, “Sa tinuod, ang Ginoo nabanhaw ug nagpakita kanamo” (*Lucas 24:13-15*).

Karon, si Maria naghunahuna mahitungod Kaniya. Ug samtang siya miadto, sa kalit lamang, iyang gi-hangad ang iyang ulo pag-usab. **Siya positibo nianang panahon.** Nagatindog gayud diha sa iyang atubangan, sa adlaw, mitungha ang dakung punoan sa manulonda nga si Gabriel. Ug Siya miingon, “Kumosta ka, Maria ang usa ka dakung Kahayag, tingali ang mao ra nga Haligi sa Kalayo nga nagamando kang Moises latas sa kamingawan ug sa mga anak sa Israel. Migula gikan niining kahayag, tingali mas mahayag pa kay sa kahayag (sa laing pagkapulong, “Hunong.”), bulahan ikaw sa taliwala sa kababayan-an, kay ikaw ikaw nakaplag sa kahimuot sa Dios” (*Lucas 1:26-38*). [10]

Kung buot ka nga ang mga manulonda mopakita kanimo, ibutang ang imong hunahuna sa Dios ug mopahilayo sa mga butang sa kalibutan (*Heb. 1:14*). Atimana ang imong bulohaton; moadto sa imong sim-bahan; paghugas sa imong mga hugasanan; **bisan asa ikaw, ibutang ang imong hunahuna diha Kaniya sa tibook adlaw ug sa tibook gabii** (*Salmo 16:8*). **Unya ang Dios magabuhat ug usa ka butang.** Ikaw naga-paduol ngadto Kaniya; imong gisirad-an ang kalibutan; ikaw ug Kaniya lamang. [11]

Karon, hunahunaa, tinuod ang among gisulti; ang tanang butang gitugyan. “Dili na ako sa akong kau-galingong panghunahuna. Dili na ako maghunahuna sama sa akong gihunahuna, Ginoo. **Ako magahunahuna sama sa Imong paghunahuna.** Ug Ikaw nagsaad nga ako naayo; **ako maghunahuna niana. Akong itugyan ang akong panghunahuna. Dili na ako maghunahuna mahitungod sa akong sakit.** Dili na ako maghu-nahuna mahitungod sa sakit nga akong nabatonan. Dili na ako maghunahuna mahitungod sa bisan unsa apan maghunahuna kung unsa ang Imong gipamulong.”

Si Brother Branham nagpadayon: Karon, diha gayud sa imong atubangan nagabarug ang tawo sama gayud kanimo pipila ka mga minuto ang milabay; ikaw masakiton sa ubos dinhi, apan adunay maayog lawas nga tawo nga nagabarug didto. Si Jesu-Cristo nagatawag nianang maayog lawas nga tawo sa unahan gayud niini. **Karon, ikaw gayud, pinaagi sa pagtoo, samtang ikaw nagapiyong sa imong mga mata, nagalakaw ngadto nianang maayo ug lawas, unya nagapadayon gayud sa paglakaw, nagapadayon gayud** (*II Cor. 3:18*). [12]

Reperensya:

- [1] “Kasugoan” (55-0115), par. E18
- [2] “Ang Dapit sa Magtotoo diha kang Cristo” (55-0227A), par. E-25
- [3] “Jehova Jire” (56-1209E), par. E-18-19
- [4] “Si Bartimeo nga Buta” (55-1115), par. E-29-30
- [5] “Pagtoo ni Maria” (59-0409), par. E-9
- [6] “Ngano nga Kinahanglan mga Magbalantay sa Karnero” (64-1221), par. 70
- [7] “Ang Pagkawalay Pagtoo Dili Makababag sa Dios” (62-0128M), par. E-35
- [8] “Timri sa Domingo sa Pagkabanhaw” (65-0410), par. 85-86
- [9] “Mapanulayong mga Espiritu” (55-0724), par. 43-45
- [10] “Ang Dili Mausab nga Pulong sa Dios” (60-0724), par. E-37-38
- [11] “Jehova sa mga Milagro” (59-1126), par. E-24
- [12] “Lakaw, Pukawa si Jesus” (63-1130E), par. 274

Spiritual Building-Stone No. 9 from the Revealed Word of this hour, compiled by:
Gerd Rodewald, Friedenstr. 69, D-75328 Schömburg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]